

Federacija Bosne i Hercegovine
Kanton Sarajevo
Općina Ilidža
JU "Treća osnovna škola" Ilidža
Broj: 79-07-2/25
Ilidža: 16.01.2025.

Na osnovu člana 62. stav (7), član 63. stav (3) i Član 65 Zakona o osnovnom odgoju i obrazovanju Kantona („Službene novine Kantona Sarajevo“, broj:27/24), Javna ustanova „Treća osnovna škola“ Ilidža, objavljuje

O B A V I J E S T
O UPISU DJECE U PRVI RAZRED OSNOVNE ŠKOLE ZA ŠKOLSKU 2025/2026.
GODINU (REDOVNI UPISNI ROK)

1. OPĆE NAPOMENE

Poštovani roditelji/staratelji budućih prvaka,

obavještavamo vas da će se upis djece u prvi razred osnovne škole za školsku 2025/2026. godinu vršiti u mjesecu FEBRUARU 2025. godine (redovni upisni rok). Školskim obveznikom se smatra dijete koje do **1. marta** tekuće godine navrší **pet i po** godina života, odnosno djeca rođena u periodu od **01.09.2018. do 01.09.2019. godine**, s tim da škola može omogućiti upis i djetetu mlađem od utvrđene starosne dobi za početak obaveznog odgoja i obrazovanja, uz pismeni zahtjev roditelja/staratelja djeteta i ako škola, nakon što razmotri preporuke *Komisije za upis učenika u prvi razred*, smatra da je to u najboljem interesu djeteta. Upis djeteta mlađeg od utvrđene starosne dobi može se izvršiti samo ako dijete do kraja kalendarske godine puni šest godina života.

2. DOKUMENTACIJA POTREBNA ZA UPIS

U mjesecu **januaru 2025. godine** u **PREDŠKOLSKOJ USTANOVI** koju dijete pohađa (djeca u cjelovitom razvojnom programu i djeca u obaveznom programu pred polazak u školu) roditelji/staratelji preuzimaju sljedeće dokumente:

1. Obrazac prijave za upis djeteta u prvi razred osnovne škole za školsku 2025/2026. godinu;
2. Uvjerenje o pohađanju obaveznog programa za djecu u godini pred polazak u školu;

Osim Obrasca prijave i Uvjerenja o pohađanju obaveznog programa za djecu pred polazak u školu, roditelji su dužni dostaviti i sljedeću dokumentaciju:

1. Izvod iz matične knjige rođenih djeteta (original ili ovjerena kopija);
2. Ljekarsko uvjerenje o psihofizičkom stanju djeteta za upis u školu i zdravstvenom statusu s opisom poteškoća (u Domu zdravlja gdje dijete ima otvoren karton) i
3. CIPS prijava boravka djeteta, kao dokaz o pripadnosti školskom području.

3. PREDAJA DOKUMENTACIJE

Obrazac prijave za upis djeteta u prvi razred osnovne škole za školsku 2025/2026. godinu, uz ostalu obaveznu dokumentaciju (skeniranu ili fotografisanu), potrebno je dostaviti na e-mail adresu Škole: **upis.prvacia1@gmail.com** ili lično na adresu škole: Nasihe Kapidžić Hadžić 1., Ilidža.

4. TESTIRANJE DJETETA

O terminima testiranja djece roditelji/staratelji će biti obaviješteni putem **telefona ili e-maila** koji je naveden u obrascu prijave za upis djece u prvi razred osnovne škole za školsku 2025/2026. godinu. Roditelji/staratelji će prilikom testiranja djeteta predati originalnu dokumentaciju koja je ranije navedena.

• ŠKOLSKO PODRUČJE

Školsko područje Javne ustanove „Treća osnovna škola“ Ilidža obuhvata sljedeće ulice:

Prve samostalne brigade, Bosanskih gazija, Edhema Eke Džubura, 12. Mart, Josipa Slavenskog, Nasihe Kapidžić Hadžić, dr. Fuada Muhića, Željeznička, Midhada Hujdura – Hujke, Tome Mede, 25. Novembar, Abdulaha ef. Kantamirije, Zaima Topčića, Gazi Hasan paše, Gliše Jankovića, Mustafe Ice Voljevice, Vreoca, Blažujski drum, Lužansko polje i Konaci.

Napomena: U skladu sa članom 62. stav (7) *Zakona o osnovnom odgoju i obrazovanju Kantona Sarajevo* („Službene novine Kantona Sarajevo“ broj: 27/24), po zahtjevu roditelja, škola može upisati i učenike koji ne pripadaju navedenom školskom području, u skladu sa raspoloživim prostornim i kadrovskim kapacitetima i obavezom poštivanja *Pedagoških standarda i općih normativa za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu* („Službene novine Kantona Sarajevo“ broj: 30/18, 9/22, 20/22).

Direktorica škole
mr. sci. Aida Pleh

DOSTAVITI:

1. Oglasna ploča škole
2. Web stranica i fb stranica škole
3. Arhiva